

**■ GLOSSA**

# «Don Christoph...»

DA SILVIO CAMENISCH

*Cun chapels da merda Centa pugn, bitschan suttamess il maun dal bab dieu, il padrin, auzan l'egliada zunt temelitga.)*

Don Christoph... Nus essan vegnids per agid e cussegl. En nossa miseria recurrin nus tar tai... don Christoph. Ti ch'è la via la vardad e la gloria, nus i n'essan betg, ed has gea era tes agen tele. Gloria da chasa si qua a Herrliberg. Betg scadin e mintgin ha in uschia en ses da chasa. Nus en noss nov da casa val Lumnezia n'avain betg in uschia u ch'ins na mussa betg el, quel, ins mussa l'istorgia da buna notg cun pinguins! nua ch'i na vegn gnanc tschantschà mo murmurà. Betg gist a pro da nossa verva!

*Cun vusch batlegianta Ctipic da figliols e figliolas gea era che lessan insatge.)* Padrin... don Christoph... Nossas iniciativas dal pievel na vegnan puspè betg messas enturn sco quai ch'ellas stuessan... sco quai ch'ellas lessan gea sezzas. Quellas lessan ussa quai finalmain analmain, vegnidas messas enturn. Ussa tschellas, quellas da sanesters e pulits, die von Linken und Netten, na lessan puspè betg vegnidas messas enturn uschia, uschia betg!

Ins tacescha ins tardivescha ins schlunganescha sapientivamain... sapientivamain da metter enturn nossas massa iniciativas da massa... don Christoph. *(vegn fitg d'aters e cun vusch da martirà)* Ins na metta betg enturn la ferma voluntad dal pievel, e quella less ussa finalmain analmain



vegnir vidlonder, quella bassetgia dalonder, mo na, ins la lascha spetgar ad absurdum... ad absurdum... sco en nossa fitg fitg veglia uraziun dal spetgar «Spetga ed hages pazienza mo aunc in pign mument, prest...» Cun dals noss per ils noss e sur dals noss.

Nus purs giuvens lessan ussa returnar, lessan in ferm return tar las vatgas cun cornas! Èn las cornas tuttina, insaco, la curunaziun da la vatga. Mo decoraziuns: per admirar gratular engraziar e turnar a far n'èn quellas betg, quellas decoraziuns. La vatga ha era ses bassetgs spezial, e ses, bassetgs spezial, èn sco quai che nus avain adina carti en la imposanta corna...

Ussa tar tai, bab dieu padrin, èn ils bassetgs spezial en la imposanta bratscha auzada fitg fitg d'in messias sur las fullas e massas e massas e fullas.

Don Cristoph... Ins ha gist commemorà tant il ferm return dal sontg Sigisbert en Rezia sco ferm return dal Cullan da Crestaulta... Omaduas messas perpernas cun dals noss sur dals

e per ils noss, auters na dovri gea betg.

Ins ha mess enturn quellas iniciativas per il plaschair dals iniziants, mo la spertadad maximala da 5 km/h tras il stretg Cumbel da la vallada, quella ha ussa qua in stretg cumbel, uschè stretg n'avain nus mai siemià ella, en il pli stretg lieu, n'han ins anc adina betg mess enturn!

Ins sa ruschna bel da Iugent tras il temp las instanzas e circumstanzas! È tut mo tactica perfida ch'ins sa cumblidia ed emblida... sco ils stgilats, sco ils stgilats.

*Bitschond l'autra giada, Bumid, suttamess sco stgars insatge insanua il maun dal bab dieu il sulet vair.)* Don Christoph... ti che pensas e regias e governeschas nus paupers tocs.

Nus avessan qua anc in giavisch. Nus lessan puspè in ferm return tar nossas vischnancas pitschnas sco quai ch'ellas eran, n'èn betg pli! Tge pudessas ti effectuar en chaussa? In'initiativa dal pievel dapli cunter la participaziun ipocrita en la UE da vischnancas grondas sco la nossa è ina... u tge?

*PS: Sch'in tschert fervent da mai mettess era puspè questa glossa en l'internet sin ses charezza Gloria.tv, là derasass per il mund enturn: Glossa: Sur Camenisch scriva sur «Don Christoph». Fiss ferma reclama da laud e gloria en mes num. Ferm mussament ch'i vegn legi e derasà, derasà e legi universal! e prendi a cor. E dapli fiss garnitura.*